

sit aliena, superare non potest; in tali enim dubio melior est conditio possidentis, per claros textus in l. Nemo 126, § 2, ff. De regul. juris; l. In pari causa 128, ff. eod., cap. Quod autem 5, De jure patronat., cap. In pari 65, De regulis juris, in 6.

(40. Si mutuarius det aliquid ultra sortem, eo quia timet se alia vice, cum indigebit, non accepturum mutuum, vel ne videatur, aut vocetur ingratus, tunc mutuans probabilis tenetur ad restitutionem. Sic Cajetanus, Molina, Navarra, Navarrus, S. Antoninus, Angles, Diana, et plures alii, quos affert Salas, dub. 6, n. 1; Lugo, l. c., n. 34, pro hac sententia, quamvis teneant sententiam contrariam. Sic etiam Viva, loc. cit., n. 10, in fine, dicens contrariam sententiam solum speculative esse probabilem, non tamen practice, et sic alii plures. Et ratio est, quia cum mutuarius solvit auctarium ob dictum metum, fere semper putat, injustum metum gravem sibi incuti, et ideo non gratis, et mere liberaliter, sed coacte ductus tali injusto metu; adeoque cum talis datio fuerit secundum quid involuntaria absque animo donandi, et insufficiens ad transfereendum dominium, tenebitur mutuans ad restitutionem; non sic autem si metus fuisset levis, nec causam dedisset tali dationi, quia tunc tale auctarium censetur gratis, et mere liberaliter datum, sicque retineri posset a mutuatore.

(41. Contraria autem sententia est vere probabilis, eamque defendunt Sporer, loc. cit., n. 81; Salas, loc. cit., num. 3; Lugo, loc. cit., n. 35, cum multis aliis ibi citatis, dicentibus, non committi usuram nisi detur, vel accipiatur ut pretium mutui, vel tanquam debitum ex justitia; quibus favet etiam La Croix, loc. cit., num. 923. Et ratio est, quia mutuarius dando ex tali timore, non dedit ut pretium mutui (151), sed ut motivum habendi benevolentiam mutuantis, cum quilibet ex gratitudine donans inducatur ad donandum metu, ne notam subeat ingrati, et tamen liberaliter donat, quamvis donatio non sit ita spontanea, ac si ex effectu benevolentiae procederet. Tum quia sicuti non est Simonia (152), quando nullo previo pacto confertur beneficium famulo ab episcopo timente, ne alioquin famulus tædio affectus ab ejus obsequio discedat, nec famulus, licet hoc sciat, Simoniae accipit beneficium, quia revera nullum ibi intervenit pretium, sed solum conciliatio novæ benevolentiae; ita nec intervenit usura in hoc casu.

(42. Usura est, si mutuans det mutuum mutuatio cum pacto, ut ei remittat obligationem restituendi, non solum bona fortunæ, sed etiam famam, quam antea injuste læserat. Lessius, lib. II, cap. 20, dub. 7;

(151) Etsi non dederit ut pretium mutui, non tamen ex mera liberalitate, et gratitudine vere libera tradidit, quod ad donationem requiritur. Igitur hoc donum inter usuram similiter est recensendum, parique restituendum ratione. Vide Ballestrinum, loc. cit., c. 11, n. 4 seqq.

Lugo, loc. cit., num. 37; Sporer, loc. cit., num. 85; Laym., lib. III, tract. 4, cap. 16, num. 2, et alii passim. Et ratio est clara, quia talis obligatio est mutuatio onerosa et molesta, sicque ejus condonatio est pretio æstimabilis adeoque, etc.

(43. Item usura est, si mutuet cum pacto, ut mutuarius abstineat ab actione injuriarum, quam contra ipsum juste intentare posset. Cessio enim talis juris intendendi actionem injuriarum, et exigendi satisfactionem a judice est vere pretio æstimabilis, adeoque, etc. Sic quamvis possit mutuans mutuae suo inimico, a quo timet vindictam cum pacto, ut desistat a vindicta injusta, vel injusto modo intentata, verbi gratia propria auctoritate, seu ut desistat ab odio, ab inimicitia, et hujusmodi, cum sic petat, quod inimicus ei antea debet, sive ex charitate, sive ex justitia, et sic non imponat ei novam obligationem, novamque gravamen: tamen non potest sic mutuae cum pacto, ut desistat a vindicta, seu satisfactione justa, quam potest exigere ab auctoritate publica, seu judice, cum sic imponat illi novam gravamen vere pretio æstimabile. Sic supra citati doctores, et alii fere communiter.

(44. Usura vera est quidquid pretio æstimabile pacto expresso, vel tacito exigitur, et recipitur vi mutui per se tanquam debitum ex justitia, seu tanquam mutui. Unde mutuans cum pacto, ut mutuarius ei vendat res suas etiam justo pretio, vel ut emat res ab ipso, vel ut utatur ejus molendino, seu frequentet ejus officinam, vel ut patrocinetur suæ causæ, vel ut conducatur ejus prædium, vel ut restituat in alio loco, vel ut restituat partem in pecunia, partem in mercibus, vel ut eum eximat a gabellis, vectigalibus, seu tributis, vel ut ei præstet munus a lingua, a manu, ab obsequio, et his similia, committit usuram, quia obligatio civilis quoad omnia adimplenda est pretio æstimabilis, cum sic imponatur mutuatio onus aliunde indebitum, et privetur sua libertate. Communis.

(45. Item usura est mutuae cum pacto, ut mutuarius teneatur fidejuberet pro mutuate, vel suis. Vide verb. MUTUUM, n. 28.

(46. Mutuae frumentum, vel vinum de præsentibus, quo minus valet cum pacto, ut restituatur in eadem quantitate pro tempore, quo prævidetur certo, vel quasi certo plus valiturum, est usura. Vide d. verb. MUTUUM, n. 29.

(47. Non est tamen usura, si sit æquale dubium, an pro tempore restitutionis sit valiturum plus, vel minoris? Vide *ibid.*, n. 30.

(48. Sic pariformiter est dicendum de pecunia mutuata cum pacto, ut restituatur in

(152) Cum Simonia, fatente auctore, munere ab obsequio committatur, nescio quomodo a Simonia absolvat episcopus, qui beneficium famulo conferat, ne alioquin famulus tædio affectus ab ejus obsequio discedat.

eadem omnino specie, et numero pro tali certo tempore. Vide *ibid.*, n. 31.

(49. Excipe tamen, nisi ipse mutuator talem pecuniam, tale vinum, tale frumentum, etc., servaturus esset usque ad illud tempus, quo plures distrahere potuisset. Vide *ibid.*, n. 32.

(50. Contractus ille, qui vulgo dicitur a godere, quo scilicet aliquis dat sufficientem pecuniam alteri, ut ipse quandiu utitur dicta pecunia, cedat illi domum, vel alteram fructiferam rem interim fruendam, quomodo possit ab usura excusari? Vide *ibid.*, n. 49.

(51. Qui recusat mutuae pecuniam, sed ipsam tradit indigenti dicendo, quod emit ab ipso suas vaccas, et easdem ei locat pro pensione annua, et solvenda, excusatur communiter ab usura, si ille alter de facto habeat dictas vaccas utiles, et serventur conditiones requisitæ ad contractum justæ locationis. Secus vero non. Vide *ibid.*, numer. 50.

(52. Ab usura excusatur, qui a se mutuum petenti tradit pecuniam dicendo, quod tali pecunia conducit suas operas ad futuram messem, seu vindemiam. Vide *ibid.*, n. 51. * Confer notam theologi Romani ad verb. MUTUUM, n. 50 *.

(53. Ementes res minori pretio quam valeant, quando excusentur ab usura, et restitutione, vel non? Vide verb. CONTRACTUS EMPTIONIS, art. 2, per tot.

(54. Ementes chirographa, et aliena credita minori pretio quam valeant, quando excusentur ab usura, et restitutione, vel non? Vide *ibid.*, a n. 19 ad 28.

(55. Item usura est rem plus justo pretio, id est supra pretium summum vendere sine justo titulo ob solam dilatam solutionem. Vide verb. CONTRACTUS EMPTIONIS, art. 3, a n. 1.

(56. Emere rem sine justo titulo infra pretium infimum ob solam anticipatam solutionem, est usura. Vide *ibid.*, n. 28.

(57. Venditores quando excusentur ab usura, et restitutione, vel non? Vide *ibid.*, per tot.

(58. Contractus mohatra est usurarius. Vide *ibid.*, num. 56.

(59. An mutuans possit ex contractu usurario celebrato percipere, et retinere lucrum, quod ex alio justo contractu (quem celebrasset, si scivisset) recipere, et retinere potuisset, va iant doctores. Aliqui enim male putant, posse illum tale lucrum percipere, et retinere, etiamsi mala fide dictum contractum usurarium celebraverit: sic Vericellii, apud La Croix, lib. III, part. II, n. 924, quod tamen, ipso teste, merito negant Tambur., lib. VIII, tract. 3, c. 8, § 3, n. 23, et Sporer, loc. cit., n. 106. Alii generaliter tenent, posse sic mutuantem tale lucrum percipere, et retinere, si bona fide dictum contractum usurarium celebravit. Sic Sa, verb. Usura, num. 8, expresse dicens: « Qui facit contractum usurarium bona fide credens justum, potest tantum lucri retinere, quantum acquisivisset alioquin per con-

tractum licitum; » et sequuntur Tannerus, 2-2, disp. 4, quæst. 7, n. 99; Diana, part. I, tract. 8, resol. 47. Alii defendunt posse dictum sic bona fide mutuantem retinere tale lucrum, si mutuo intenderit, et expresserit se velle contrahere omni meliori modo: ita cum aliis Lessius, lib. II, cap. 20, quæst. 12; Sporer, loc. cit., n. 109, dicens, id probabilissime esse licitum. Alii docent, tale lucrum posse recipi et retineri, saltem si mutuantem sciverit illum modum juste contrahendi, et mutuarius etiam censetur consensisse; secus autem non. Ita Lugo, disp. 23, sect. 9, num. 182 et seq.; Sporer, loco cit., num. 106, dicens, quod sic optime sentiat Lugo, quibus duabus ultimis sententiis favet La Croix, cit. lib. III, part. II, n. 144 et 924, cum aliis allegatis. Et ratio inter alias istorum est, quia sic mutuans, ac contrahens bona fide, intendens interim, et exprimens, se velle celebrare contractum omni meliori modo, habet veram voluntatem celebrandi contractum, qui licite fieri possit; ergo tunc virtualiter illum celebrat, maxime si tunc sciat illum modum juste contrahendi, et mutuarius etiam censetur consentire, uti rationabiliter consentire censendus est, cum rationabiliter debeat potius consentire in contractum justum, et justo titulo celebratum, quam in contractum injustum, et celebratum titulo injusto; adeoque cum adsit sufficiens utriusque voluntas cum titulo justo implicite saltem contento, jam adest totum id, quod necessarium est ad justè contrahendum et lucrandum, adeoque, etc.

(60. Alii tandem sustinent, quod regulariter loquendo non possit sic mutuans in resolutione contractus usurarii quamvis bona fide inibi tantum retinere, quantum in alio contractu justo, v. g. emptionis, census, societatis, et hujusmodi acquisivisset. Sic expresse sapientissimus Rosignolus, tract. De contractibus, contract. 3, De mutuo et usuris, disquisit. 6, § 6, num. 2 et seq., et alii. Et ratio eorum inter alias est, quia contractus secundum se usurarius est ipso jure nullus ex dictis supra a num. 6, ergo nullum potest parere interesse; contractus enim nullus perinde est, ac si non esset contractus, cum paria sint non esse, et nullum esse; arg. leg. 1, Duo sunt Titii, ff. De testamentaria tutela; et idem sit aliquid non esse factum, et nulliter factum, l. Si se non obtulit 4, § 6, ff. De re judicata. Quod autem nullum est, nullum producit effectum, cap. Illud 8, De jure patronat. Et non entis nulli possunt esse fructus, nullæque qualitates, arg. l. Ejus qui in provincia, ff. De rebus creditis, si certum petatur, l. 1 et 2, De usufructu, adeoque, etc.

(61. Nec valet dicere, quod quamvis non subsistat dictus contractus usurarius in ratione contractus talis, sub qua expresse fuit celebratus, subsistat tamen in ratione alterius contractus liciti implicite voliti ab ipso contrahente, quandoquidem si scivisset contractum juxta talem modum non esse validum, alio modo valido contraxisset. Non valet, inquam, quia hoc modo aperiretur

